

Cyfansoddiad Fforwm Treftadaeth Wrecsam

1. Enw

Enw'r grŵp fydd Fforwm Treftadaeth Wrecsam.

2. Nodau ac amcanion

Amcanion Fforwm Treftadaeth Wrecsam yw: -

- Annog a galluogi cyrff cyhoeddus a gwirfoddol i weithio gyda chymunedau lleol er mwyn annog gwerthfawrogiad, cynyddu dealltwriaeth a rôl pobl yn nhreftadaeth Bwrdeistref Sirol Wrecsam a sut i'w gwarchod a'i gwella.
- Datblygu dealltwriaeth o rôl ac effaith treftadaeth a chynyddu'r gefnogaeth a roddir iddi yn yr economi leol.
- Cefnogi'r gwaith o ddatblygu sgiliau a datblygu cymhwysedd y sector treftadaeth leol i'w alluogi i fod yn gynaliadwy.
- Hyrwyddo a chodi ymwybyddiaeth gyhoeddus o'r dreftadaeth leol, gan gynnwys Fforwm Treftadaeth Wrecsam a sefydliadau sy'n aelodau ohono.
- Annog a chynyddu cyfleoedd yn weithredol ar gyfer dysgu gydol oes yn seiliedig ar dreftadaeth leol.
- Hyrwyddo a manteisio ar gyfleoedd i gynhyrchu cyllid ar gyfer treftadaeth leol.

3. Grymoedd

Perfformio unrhyw ddyletswyddau cyfreithiol fel sy'n angenrheidiol i gyflawni'r amcanion uchod.

4. Aelodaeth

Caiff sefydliadau ac unigolion sydd â diddordeb mewn hyrwyddo amcanion Fforwm Treftadaeth Wrecsam ymaelodi.

Cedwir hawliau pleidleisio gan yr holl sefydliadau cofrestredig sy'n aelodau ac sydd wedi cwblhau eu ffurflenni cais a bydd pob sefydliad cofrestredig sy'n aelod yn cael bwrw un bleidlais. Mae'r sefydliad cofrestredig yn gyfrifol am benderfynu pwy sy'n cael bwrw pleidlais.

Gall unigolion nad ydynt yn aelodau o sefydliadau cofrestredig ymaelodi hefyd. Mae gan bob aelod unigol un bleidlais. Gall y fforwm gyd-ddewis unigolion fel aelodau pleidleisio llawn os yw'n penderfynu gwneud hynny.

Fforwm Treftadaeth Wrecsam / Cyfansoddiad

Gwneir penderfyniadau mewn consensws os yn bosibl, neu trwy ddangos dwylo mewn pleidlais, pleidlais gudd neu bleidlais trwy'r post pa bynnag un a bennir yn fwyaf priodol a chynhwysol.

Bydd pleidleisiau i ethol cynrychiolwyr mewn cyrff eraill yn digwydd mewn unrhyw gyfarfod a bydd y swyddi'n para tan yr ail-etholiad ym mhob Cyfarfod Cyffredinol Blynyddol.

Bydd ffi danysgirfio'n daladwy gan bob aelod a pennir swm y ffi yn y Cyfarfod Cyffredinol Blynyddol.

5. Swyddogion

Bydd y swyddogion yn cynnwys cadeirydd, trysorydd ac ysgrifennydd. Cytunir ar ddirprwyo dyletswyddau eraill gan y Pwyllgor Gweithredol fel sy'n briodol.

Gall swyddogion fod yn eu swyddi am uchafswm o dair blynedd ond rhaid iddynt gael eu hail-ethol yn y Cyfarfod Cyffredinol Blynyddol neu mewn cyfarfod cyffredinol eithriadol lle mae swyddogion yn camu i lawr.

6. Pwyllgor Gweithredol

Sefydli'r Pwyllgor Gweithredol er mwyn: -

- Hyrwyddo gwaith y fforwm a gyrru gweithrediad Strategaeth Dreftadaeth Bwrdeistref Sirol ymlaen.
- Cynnal adolygiadau dechreuol y strategaeth i gael ei gadarnhau gan y fforwm.
- Cynllunio cyfarfodydd y fforwm a pharatoi / comisiynu dogfennau trafod.
- Gwneud penderfyniadau gweithredol yn unol â chynllun dirprwyo fel y cytunwyd yn flaenorol gan y fforwm.

Bydd aelodau'r Pwyllgor Gweithredol yn: cynnwys dim mwy na naw aelod; yn cael eu dethol yn y Cyfarfod Cyffredinol Blynyddol; yn cynnwys y swyddogion etholedig; yn cynnwys cynrychiolwyr sydd ag ystod o arbenigedd a diddordebau yn y sector treftadaeth leol.

Y cworwm sy'n angenrheidiol i drafod busnes yw o leiaf pump aelod o'r Pwyllgor Gweithredol.

7. Amledd y cyfarfodydd

Bydd y fforwm yn cwrdd bob tri mis. Bydd y lleoliadau'n cylchdroi o amgylch Bwrdeistref Sirol Wrecsam.

8. Cyfarfod Cyffredinol Blynyddol (CCB)

Cynhelir CCB unwaith bob blwyddyn calendr. Bydd y Pwyllgor Gweithredol yn rhoi chwech wythnos o rybudd ysgrifenedig i'r aelodau o'i fwriad i gynnal CCB, gan nodi'r amser, y lle a'r busnes i'w drafod. Rhoddir rhybudd tebyg yn ysgrifenedig i

Fforwm Treftadaeth Wrecsam / Cyfansoddiad

aelodau unigol y Pwyllgor Gweithredol. Bydd y Cadeirydd (yr ysgrifennydd yn ei (h)absenoldeb) yn cynnal y CCB.

Busnes y CCB yw: -

- Derbyn a mabwysiadu adroddiad blynyddol y swyddogion
- Derbyn a mabwysiadu'r cyfrifon
- Ethol swyddogion ac aelodau'r Pwyllgor Gweithredol fel y pennir yn briodol
- Trafod a phleidleisio am unrhyw gynigion eraill ar ôl rhoi deng diwrnod gwaith o rybudd ysgrifenedig.

Bydd deg y cant o'r aelodau cofrestredig neu bump aelod cofrestredig, pa bynnag un sydd fwyaf, yn creu cworwm ar gyfer y CCB a chyfarfodydd cyffredinol eraill.

9. Cyfarfodydd cyffredinol eithriadol (CCE)

Gall pump neu fwy o aelodau cofrestredig neu'r Pwyllgor Gweithredol alw cyfarfodydd cyffredinol eithriadol ar ôl rhoi o leiaf un mis calendr o rybudd ysgrifenedig i bob aelod cofrestredig arall, gan nodi dyddiad, amser, lleoliad, agenda a chynigion y cyfarfod; dylai pob aelod corestredig arwyddo eu henwau ar y rhybudd a dylent ysgrifennu eu henwau mewn print bras ar waelod y rhybudd

10. Terfynau gweithredol

Bydd Fforwm Treftadaeth Wrecsam yn gweithredu o fewn yr ardal a ddynodir fel Bwrdeistref Sirol Wrecsam ar hyn o bryd, ond bydd yn datblygu a chynnal cysylltiadau â sefydliadau, mudiadau a mentrau priodol (yn wirioneddol ac yn rhithwir) mewn ardaloedd eraill.

11. Materion ariannol

Defnyddir yr holl arian a godir gan Fforwm Treftadaeth Wrecsam i ymestyn amcanion Fforwm Treftadaeth Wrecsam ac nid ar gyfer unrhyw bwrrpas arall.

Bydd y trysorydd yn cadw cyfrif priodol o'r arian a bydd yn agor a chynnal cyfrif banc yn enw Fforwm Treftadaeth Wrecsam.

Bydd angen i ddau allan o dri swyddog etholedig dynodedig lofnodi i dynnu unrhyw arian o'r cyfrif.

Caiff cyfrifon y flwyddyn ariannol eu harchwilio gan unigolyn cymwys a benodir gan y CCB neu'r CCA nad ydynt yn aelod etholedig.

Paratoir cyfriflen incwm a gwariant yn flynyddol a chaiff ei chyflwyno yn y CCB

12. Newid y cyfansoddiad

Gellir ond newid y cyfansoddiad terfynol trwy gynnig yn y CCB neu'r CCA, a gefnogir gan gonsensws neu o leiaf trwy gytundeb rhwng dwy rhan o dair yn yr un cyfarfod.

13. Diddymiad

Caiff Fforwm Treftadaeth Wrecsam ei ddirwyn i ben trwy bleidlais yn y CCB neu'r CCA.

Ni chaiff unrhyw asedau sydd ar ôl wedi i bob dyled ac atebolrwydd gael ei ollwng eu dosbarthu ymysg aelodau, caiff ei roi i fudiad gwirfoddol sydd ag amcanion tebyg i'w gweinyddu mewn modd sy'n hollol elusengar yn ôl y gyfraith.

Mabwysiadwyd y cyfansoddiad hwn fel cyfansoddiad Fforwm Treftadaeth Wrecsam mewn cyfarfod cyhoeddus ar.....

Llofnod:
Dyddiad:

Swydd:

Llofnod:
Dyddiad:

Swydd: